

# LATGALIŠU GAZETA

## Jauniši – Latgolys nuokūtne!

Vīna nu myusu dīnu aktuoluokajom regionu atteisteibys problemom ir jaunišu aizplyusšona iz lelajom piļsātom, eipaši Reigu, i naatsagrīzšona sovā nūvodā. Kai ir ar Latgolys jaunišim? Deļkuo studeju vītys izvēle ir par lobu Reigai, voi ir dūmys par atsagrīzšonu? Kai ari nu tuoluma var pīsadaleit Latgolys nuokūtnis veiduošonā? Iz itūs vaicuojuumu atbiļdēja Latgolā pazeistami jauniši.



### Edeite Husare

Koč ari itūšaļt Aigaru Runči (grupa "Borowa Mc", Radio SWH didžejs), Zigmundu Čeksi i Alvi Bernānu (grupa "Green Novice"), Kristapu Rasimu (grupa "Bez PVN", LTV7 raidieju ma "Zootrops" vadeituojs) i Vitu Brišku (Latgolys Studentu centra koordinatore Reigā) studejis ir aizvadušys iz Reigys augstškolom, Latgolū jī vysleidza sauc par sovū sātu – tī, kur jī poši sasajūt labi i kur dzeivoj jūs saimis.

Izvēle par studejom Reigā ir vysaidu apstuokļu radeita, tok vīns nu golvonūs īmesļu – lai kai i grybātu, tok Latgolys augstškoluos nav taidu studeju programmu, kurys jī ir izavieļejuši apgiut. Ite navar studēt par aktīri, par storptautiskūs attīceibu, geograpejis, biomedicinys i nanotehnologeju voi cytaidū specialīstū. Bez tuo Reigā, piec jaunišu iskota, ir vaira īspieju sevi nūdrūšnuot ari paraleli studejom, kas na vysod īspiejams Latgolā.

Tūmār gryušuokuo ituos problemys daļa ir atsagrīzšona atpakaļ sovā pusē piec studeju. Latgolys jauniši, apdūmojūt īspiejis atsagrīzt, par golvoniem prišknūšacejumim sauc: dorba vīta atbylstūši izgleiteibai, pīteikams atolguojums i izaugsmis īspiejis, kū na vysod var atrast. Svareigs īmeslis ir ari saime, saknis, dzeivis apstuokli, koč tymā poša laikā tys zeimuoitu atsaceišonu nu lēpīļsātys pīduovuoitūs ierteibu.

Nu ūtrys pusis, "atsagrīzšonai" na vysod juobyut fiziskai. Kristaps Rasims

### 22. jūnī Bukmuižā

tai i soka: "Kai es varu atsagrīzt Latgolā, ka nu juos eisti naasu aizbraucs prūm! Nui, fiziski es daudz asu Reigā, a morali..."

Jauniši ir puorlicynuoti – ari nadzeivojūt Latgolā, sevkurs jaunišs var pīsadaleit juos nuokūtnis atteisteibā. Kai vīnkuorši nasakaunejūt par tū, ka ir latgalīts, tai saglobojūt dzeivys vysaidys latgališu tradicejis i uorpus Latgolys, tai ari aktīvi pīduovojūt sovys idejis, aicynojuūt cylvākus dareit i struoduot Latgolys lobā.

Aigars Runčis soka tai: "Myusudīnuos tys ir vysā vīnkuorši – vīgli var komicēt ari ar telepona voi interneta stārniceibu". Zigmunds Čeksis otkon ir puorlicynuoits, ka vystik "svareiguokī dorbi juodora sātā, juosuoc ar sevi i ar sovū sātu".

Studentim vīns gon ir skaidrs – golvonais patušnuot ari paraleli studejom, kas na vysod īspiejams Latgolā. Tod i sevkurs ar kotru vuordu i dorbu paleidzeis Latgolys nuokūtnē!

Kai pozitivs pīmārs tam, ka piec studeju Reigā var atrast sovū vītu i Latgolā, nūsaucams grupys "Bez PVN" daleibniks, "Latgolys Radejis" didžejs Guntis Rasims. Jis ir pyrmais, kas sovā laikā televizejā, pīsadolūt realitatis šovā "Fabrikys muzykalais teatris", daudzus jaunišus idvasmuoja nasakautreit par sovū latgališa byuteibu.

Guntis ir studiejs Biznesa augstškola "Tureiba" sabīriskuos attīceibys, niu jis ir sataisējs bīdreibu "Latgolys Producentu



Kristaps un Guntis Rasimi

Grupū", kura spieļ lelu nūzeimi taiši myusudīnu latgališu muzykys atteisteibā. Ir izdūts grupys "Bez PVN" debejis albums, pyrmuo latgališu muzykys izlase, niu nūteik dorbs kai pi vairuoku muzykalū pasuokumu realizeišonys, tai ari grupys "Dabas Durovys" debejis albuma izdūšonys

Guntis pats soka, ka jam ir bejuši vairuoki īmesli, kab atsagrīztu, i jis tuo nav nūžāluojs. Jis ir puorlicynuoits, ka gareigā ziņā dzeivuoit Latgolā ir daudz vīglok, a Reiga nīmoz nav tik tuoli. Runojūt par tū, kai jauniši uorpus Latgolys var pīsadaleit nūvoda atteisteibā, Guntis nasašaubā: "Tam, kur cylvāks dzeivoj ci atsārūn, nav izšķīrūšys nūzeimis. Ka Latgola jam ir svareiga, jis tai-

pat koč kū dareis juos lobā. Kots var izapaust sovā veidā i vītā. Golvonais, ka palik cylvāks."

Bīdreiba "Latgolys Studentu centrs" ar Eipašūs aizdavumu ministrejys Sabīdreibys integracejis lītuo sekretariata atbolstu realizej projektu "Latgolys jauniši – Latgolys nuokūtne". Ituo projekta itvorā ituo goda 22. jūnī 19 stundēs vīkorā vysī interesenti tyka aicynuoti iz Bukmuižū (Ezernīku pogosts, Kruoslovys rajons), kur pasuokumā "Latgalīts latgalīšam draugs" varē puorsalicynuoit par Latgolys muzykalūs jaunišu nu grupu "Bez PVN", "Dabas Durovys", "Likteneigais pagrīzīns iz Vainovu", "Green Novice" i jaunūs literatu spiejom i talantu nest latgaliskū vuordu.

Kū vaira volūdu, tū lobuok!

LAKUGA.LV

## Loba dīna, Latgolys absolvent!

Vysi itymā skaistajā izlaidumu laikā soka, ka školys beigšona Tovā dzeivē ir kai jauns pakuopiņs, kai jauns starta punkts. Vysi Tev sūlej jaunys dzeivis suokumu i nūvielej izadūšonys.

dzeivē i kaidūs kolnūs izkuoptu, lai vysod Tovā sirīdi ir vīta, nu kurys Tu esi aizguojs plašajā pasaulē – Tova Latgola.

Ka tuoļuok īsi studēt iz kaidu nu Latvejis augstškolu, naizmiersti, ka ari Reigā, Rēzeknē, Daugopilī i cytuos piļsātuos ir sovejī nu Latgolys – cyti latgališu studenti taidi poši kai Tu.

Bīdreiba "Latgolys Studentu centrs" Tevi sveic ar diploma sajimšonu i, suocūt jaunu i cytaiduoiku lela cylvāka dzeivi, aicynoju atguoduot par sovom saknem. Par sevi kai latgalīti, par sovīm draugim, radīnikim, par sovū volūdu i par sovū Latgolū.

Lai kaidūs pasaulā ceļūs Tu itū, lai kū sasnigtu

Vaira dazynuošonys pa e-postu lgsc@latgale.lv voi sātyslopā [www.lgsc.latgale.lv](http://www.lgsc.latgale.lv) Veiksmis Tev Tova ceļā guojīni!

Ar loba vīlejumim – "Latgolys Studentu centra" vuordā Valdis prišksādātuoja Ilze Sperga

## NŪTIKŠONU KALEŅDERS

Pyrmuo latgališu muzykys koncertturneja

2008

Preļu parka estradē

Suokums vīkorā ap sešim

("Laimas Muzykanti"; "Bez PVN"; "Dabas Durovys"; "Green Novice"; "Likteneigais pagrīzīns iz Vainovu"; "Weron Martin" i legendaruo Latgolys grupa "Elpa")

Organizēji: Preļu nūvoda dūme, L.P.G., Atbolsta: LATGALES REĢIONA ATTĪSTĪBAS AGENTŪRA, Hipotēku banka, KULTŪRĀLĀS PĀRĀRĀDĪBĀS, Informēji: LAKUGA.LV, LATGALES LAIKS, LATGALE.LV, student.net, munidraugi.lv

Kotrā Latgolys rajonā vysmoz pa vīnam latgaliskam koncertam! Vysa informaceja šķārsteļkī: [madeinlatgola.lv](http://madeinlatgola.lv)

"Latgališu Gasetu" atbolsta Latgolys regiona atteisteibys agentura i Kulturkapitāla fonds.



ĪPAŠU UZDEVUMU MINISTRA  
SABĪDRĪBAS INTEGRĀCIJAS  
LIETĀS SEKRETARIĀTS

